

ცვლილებები ძალაშია **04.06.2024-დან**.

ინტერნეტ-გვერდზე www.procreditbank.ge განთავსებულ დოკუმენტში „დამატებითი სახელშეკრულებო პირობები“ შევიდეს შემდეგი ცვლილება-დამატებები:

1. დამატებითი სახელშეკრულებო პირობების მუხლი 1. პუნქტი 11 ჩამოყალიბდა ახალი რედაქციით:

11. წინამდებარე დოკუმენტი მოცემულია ბანკის ვებ გვერდზე www.procreditbank.ge და კლიენტს თავისუფლად, ყოველგვარი შემლუდვის გარეშე, შეუძლია გაეცნოს მას.

2. დამატებითი სახელშეკრულებო პირობების მუხლი 3-ის პუნქტები: 2, 3 და 5 ჩამოყალიბდა ახალი რედაქციით:

2. განხორციელებული ცვლილებები/დამატებები აისახება წინამდებარე დოკუმენტში, ხოლო ტარიფებში შესული ცვლილებები/დამატებები აისახება ბანკის შესაბამის დოკუმენტში. ცვლილებები/დამატებები ხელმისაწვდომი იქნება ბანკის ინტერნეტ გვერდზე, რომელიც წარმოადგენს ამ დოკუმენტის ნაწილს.

3. იმ ცვლილებების/დამატებების ძალაში შესვლისათვის, რომელიც ხორციელდება ბანკის სასარგებლოდ, საკმარისია ცვლილებები განთავსდეს ვებ გვერდზე www.procreditbank.ge, რის თაობაზეც, ხელშეკრულების მნიშვნელოვანი პირობების ცვლილების შემთხვევაში, ბანკი ცვლილების/დამატების ძალაში შესვლამდე მინიმუმ ორი თვით ადრე, ხოლო სხვა საფინანსო პროდუქტის ფასის ზრდის შემთხვევაში - არანაკლებ ერთი თვით ადრე შეატყობინებს კლიენტს მასთან შეთანხმებული საკომუნიკაციო არხის (წერილობით, ელექტრონული ფოსტით, მოკლე ტექსტური შეტყობინება, ინტერნეტბანკი, სატელეფონო ზარი და ა.შ.) საშუალებით. იმ შემთხვევაში, თუ კლიენტი არ ეთანხმება ამგვარ ცვლილებებს/დამატებებს, კლიენტი უფლებამოსილია შეწყვიტოს ბანკთან გაფორმებული ხელშეკრულება, რის შესახებაც წერილობით უნდა აცნობოს ბანკს ცვლილებების/დამატებების ძალაში შესვლამდე, წინააღმდეგ შემთხვევაში, ცვლილებები/დამატებები შევა ძალაში და კლიენტს არ აქვს უფლება სადავო გახადოს და/ან მოითხოვოს მისი ბათილობა/გაუქმება არავითარი საფუძვლით.

5. კლიენტი იღებს ვალდებულებას პერიოდულად გაეცნოს ბანკის ვებ გვერდზე განთავსებულ ინფორმაციას ცვლილებ(ებ)ის/დამატებების თაობაზე.

3. დამატებითი სახელშეკრულებო პირობების მუხლი 4-ის პუნქტები: 13 და 20 ჩამოყალიბდა ახალი რედაქციით:

13. კლიენტი ვალდებულია შეატყობინოს ბანკს იმ სასამართლო პროცესებში მონაწილეობის თაობაზე, რომლებშიც გამოდის მოსარჩელის, მოპასუხის ან მესამე პირის სახით.

20. კლიენტთან ხელშეკრულებები ფორმდება ქართულ ან ინგლისურ ენაზე, შესაბამისად სახელშეკრულებო პირობების მიწოდება, გაცნობა და კლიენტთან კომუნიკაცია ხდება იმ ენაზე, რა ენაზეც ფორმდება ხელშეკრულება. ხელშეკრულების ქართულ და ინგლისურ ვერსიების ტექსტი იდენტურია და აქვს თანაბარი იურიდიული ძალა.

4. დამატებითი სახელშეკრულებო პირობების მუხლი 6 პუნქტი 3-დან ამოღებულია „ბ“ ქვეპუნქტი, ხოლო „გ“ ქვეპუნქტი ჩამოყალიბდა ახალი რედაქციით.

ბ) (ამოღებულია)

გ) ახალ ინდექსზე გადასვლისას, თუ ახალი ინდექსის მაჩვენებელი იქნება არსებული ინდექსის მაჩვენებელზე მეტი ან ნაკლები, ბანკი უფლებამოსილია შემცირებული/გაზრდილი საპროცენტო განაკვეთი გაუთანაბროს ახალ ინდექსზე გადასვლამდე არსებულ საპროცენტო განაკვეთს;

ასევე, ამოღებულია 4¹ პუნქტი. ხოლო პუნქტი 6 ჩამოყალიბდა ახალი რედაქციით:

4¹. (ამოღებულია)

6. თუ კლიენტი არ დაეთანხმა ბანკის მიერ შეცვლილ საპროცენტო განაკვეთს, იგი ვალდებულია, ცვლილების ძალაში შესვლამდე დააბრუნოს/დაფაროს საბანკო პროდუქტის მთლიანი თანხა, დარიცხული პროცენტი, პირგასამტეხლო, საკომისიო და სხვა ნებისმიერი ხარჯი (ასეთის არსებობის შემთხვევაში).

5. დამატებითი სახელშეკრულებო პირობების მუხლი 8-დან ამოღებულია პუნქტი 1³ ხოლო პუნქტი 1.1. ჩამოყალიბდა ახალი რედაქციით:

1.1. კლიენტმა ბანკს წარმოუდგინა სამეწარმეო საქმიანობის განვლილი პერიოდის და ბოლო საანგარიშო პერიოდის შესაბამისი სრული და სარწმუნო ფინანსური ინფორმაცია, ამონაწერები, თანხის ჩარიცხვის ან/და შემოსავლის დამადასტურებელი დოკუმენტაცია. ასევე კონკრეტული გარემოებების გათვალისწინებით ბანკი

უფლებამოსილია მოითხოვოს სხვა ფინანსური ინფორმაციის წარმოდგენა, რომელიც აუცილებელია მსესხებელისათვის მომსახურების გასაწევად.

1³. (ამოღებულია).

6. დამატებითი სახელშეკრულებო პირობების მუხლი 9, პუნქტი 5 ჩამოყალიბდა ახალი რედაქციით.

5. კლიენტი ვალდებულია მოახდინოს ბანკის ინფორმირება თუ შეიცვლება კლიენტი იურიდიული პირის აქციონერი/მენილე/დამფუძნებელი/საბოლოო ბენეფიციარი მესაკუთრე ან თუ კლიენტი ან მისი დამფუძნებელი ან ბენეფიციარი მესაკუთრე, ბანკთან საქმიანი ურთიერთობის დამყარების შემდეგ, გახდება პოლიტიკურად აქტიური პირი.

წინამდებარე პუნქტის მიზნებისათვის კლიენტი ვალდებულია მოახდინოს ბანკის წერილობითი ინფორმირება შესაბამის ცვლილებამდე გონივრული ვადით, მაგრამ არანაკლებ 5 (ხუთი) სამუშაო დღით ადრე, ან სადაც ობიექტური გარემოებების გათვალისწინებით შეუძლებელია ცვლილებამდე ბანკის წერილობით ინფორმირება, აღნიშნული უნდა მოხდეს ცვლილებისთანავე დაუყოვნებლივ, მაგრამ არაუგვიანეს 3 (სამი) სამუშაო დღისა. ბანკი უფლებამოსილია ცალმხრივად, კლიენტის დამატებითი თანხმობის გარეშე, შეწყვიტოს კლიენტთან გაფორმებული ნებისმიერი ხელშეკრულება და მოითხოვოს დავალიანების ვადამდე სრული დაფარვა თუ კლიენტი დაარღვევს ზემოაღნიშნულ ვალდებულებებს.

წინამდებარე პუნქტის მიზნებისთვის, ბანკის წერილობითი ინფორმირების შემდეგ, ან როდესაც ბანკი აღმოაჩენს, რომ შეიცვალა კლიენტი იურიდიული პირის აქციონერი/მენილე/დამფუძნებელი/საბოლოო ბენეფიციარი მესაკუთრე, ან თუ კლიენტი ან მისი დამფუძნებელი ან ბენეფიციარი მესაკუთრე, ბანკთან საქმიანი ურთიერთობის დამყარების შემდეგ, გახდება პოლიტიკურად აქტიური პირი, 30 (ოცდაათი) კალენდარული დღის ვადაში ბანკი გადანყვეტს კლიენტთან საქმიანი ურთიერთობის გაგრძელების ან შეწყვეტის საკითხს.

წინამდებარე პუნქტის მიზნებისთვის, „პოლიტიკურად აქტიური პირი“ ნიშნავს პირს, რომელსაც შესაბამისი ქვეყნის კანონმდებლობის შესაბამისად უკავია სახელმწიფო (საჯარო) პოლიტიკური თანამდებობა ან/და რომელიც ეწევა მნიშვნელოვან სახელმწიფოებრივ და პოლიტიკურ საქმიანობას. პირი პოლიტიკურად აქტიურ პირად ითვლება ზემოაღნიშნული თანამდებობის დატოვებიდან ერთი წლის განმავლობაშიც.

ასევე, ამოღებულია პუნქტი 6.

6. (ამოღებულია).

7. დამატებითი სახელშეკრულებო პირობების მუხლი 12, პუნქტი 1 ჩამოყალიბდა ახალი რედაქციით:

1. საბანკო პროდუქტისა და მასზე დარიცხული პროცენტების დაფარვა შეიძლება განხორციელდეს კლიენტის ანგარიშიდან თანხის გადატანით/ჩამოჭრით. შესაბამისად, კლიენტი ვალდებულია გახსნას და ვალდებულების არსებობის მთელი პერიოდის განმავლობაში იქონიოს/შეინარჩუნოს საბანკო ანგარიში.

8. დამატებითი სახელშეკრულებო პირობების 14-ე მუხლიდან ამოღებულია პუნქტები 1.8. და 1.8.1:

1.8. (ამოღებულია).

1.8.1. (ამოღებულია).

ხოლო მე-2 პუნქტი ჩამოყალიბდა ახალი რედაქციით:

2. ბანკს და კლიენტს შორის გაფორმებულ ხელშეკრულებასთან ან/და წინამდებარე დოკუმენტთან დაკავშირებული ყველა დავა, გარდა ხელშეკრულებებისა, რომლებიც არბიტრაჟის განსჯადობას ექვემდებარება, განიხილება საქართველოს საერთო სასამართლოების მიერ, მოქმედი კანონმდებლობის შესაბამისად, ბანკის ადგილსამყოფელის მიხედვით.

9. დამატებითი სახელშეკრულებო პირობების მუხლი 18, პუნქტი 1 ჩამოყალიბდა ახალი რედაქციით:

1. ბანკსა და მსესხებელს შორის გაფორმებული საკრედიტო ხაზით მომსახურების ხელშეკრულების პირობების შესაბამისად, ხელშეკრულებაში მითითებული პერიოდის განმავლობაში, ბანკისადმი განაცხადის წარდგენის და ახალი ხელშეკრულების გაფორმების გარეშე, მსესხებელი უფლებამოსილია არაერთგზის აითვისოს და შეავსოს/დაუაროს საკრედიტო ხაზის ხელშეკრულებით მისთვის გამოყოფილი საკრედიტო რესურსი, ისე რომ ახალი თანხის გაცემის დროს ათვისებული თანხის ჯამური ოდენობა არ აღემატებოდეს ხელშეკრულებით განსაზღვრული საკრედიტო ხაზის ლიმიტის მაქსიმალურ ოდენობას.

10. დამატებითი სახელშეკრულებო პირობების მუხლი 21 ამოღებულია.

მუხლი 21. (ამოღებულია).

11. დამატებითი სახელშეკრულებო პირობების მუხლი 31, პუნქტი 1 ამოღებულია.

1. (ამოღებულია).